

Morning Regional Dogri News Bulletin, 06th April 2024

मार्निंग डोगरी न्यूज़ बुलेटिन, समें. 09-20 Hrs

<><><><><><>

Headlines

1. झूठी खबरें पर रोक लाने लेईं मुख् चूनां दफ्तर जम्मू कश्मीर आस्सेआ निर्वाचन भवन जम्मू च इक कमान ते नियंत्रण केन्द्र खडेरेआ गोआ ऐ।
2. निर्वाचन आयोग नै हर लोकसभा हल्के च इक मतदान केन्द्र चेचे तौरा पर महिला लेईं सुनिश्चित कीता ऐ।
3. सुरक्षाबलें उत्तरी कश्मीर दे उड़ी सेक्टर च नियंत्रण रेखा पर घुसपैठ दी इक कोशश गी नाकाम बनांदे होईं दऊं घुसपैठिएं गी मारी मकाया ऐ।
4. जम्मू कश्मीर दे पुलस महानिदेशक ते फौज दी 16 कोर दे जीओसी होर पुंछ दा दौरा लाया ते सुरक्षा स्थिति दी समीक्षा कीती।

<><><><><><>

CEO

जम्मू कश्मीर दे मुख् चूनां अधिकारी दफ्तर आस्सेआ निर्वाचन भवन जम्मू च इक आला दर्जे दा कमान ते नियंत्रण केन्द्र कायम कीता गोआ ऐ। जेहदा मकसद औंदे लोकसभा चुनाएं दरान पैहे देइयै खबरा चलोआने ते झूठी खबरा चलाने पर रोक लाना ऐ। इस नियंत्रण केन्द्र गी भलेया अज्जै कल्लै दिएं तकनीकें ते सुविधाएं कन्नै लैस रखेआ गोदा ऐ ते एह हर रोज 14 घैंटे दिन रात कम्म करोग, जेहड़ा इस चाल्ली दे मामले च तुरत कारवाई लेईं हर बेल्ले तैआर ऐ। एहदे नै केन्द्र शासत प्रदेश च निगरान सरिस्ते गी होर तगड़ा बनाया गोआ ऐ। एल्लै एह केन्द्र 21 राष्ट्रीय टीवी चैनलें पर तक्क रखा करदा ऐ ते गल्ल, झूठी जां पैहे लेइयै खबर चलाने आले गी तुरत नप्पी लैता जाग ते बनकदी कारवाई कीती जाग। एहदे इलावा एह केन्द्र सौशल मीडिया चैनलें ते एकाउंटस पर बी नेडमी तक्क रखा करदा ऐ।

<><><><><><>

Women Booth

लोकसभा चुनाव च हर संसदीय क्षेत्र च महिलाएं लेई खास तौरा पर टकोहदा बूथ होग तां जे महिला वोटरें दे फीसद गी बघाया जाई सकै। इनें बूथें पर तैनात पुलस सनें सारा अमला महिला गै होंगन। चुनाव आयोग नै हिदायत दिक्ती ऐ जे बूथें पर कुसै खास रंग दा इस्तेमाल नेई कीता जा। खास करियै कुसै बी राजनीतिक दल कन्नै जुड़े दे रंग दा इस्तेमाल नेई कीता जाना चाहिदा। इनें बूथें पर महिला सुरखा आस्तै खास इंतजाम करना लोड़चदे न ते एह मतदान कन्नै तैहसील दफ्तर ते पुलस स्टेशनं दे कोल बनाए जांगन जिंदा संपर्क चुनाव अधिकारिएं कन्नै बने दा रौहग।

<><><><><><>

JK-Uri

केन्द्र शासत प्रदेश जम्मू कश्मीर च कल सुरखाबलें उत्तरी कश्मीर दे बारामुला दे उड़ी इलाके च कब्जा रेखा दे नेड़े सबूरा नाला च आतंकवादिएं दी घुसपैठ दी कोशश नाकाम करी दिक्ती ते दऊं घुसपैठिएं गी मारी मकाया। फौज दी चिनार कोर दे इक अधिकारी नै दस्सेआ जे आतंकवादिएं नियंत्रण रेखा पर भारत बक्खी बड़ने दी कोशश कीती। सुरखाबलें दी परते आली कारवाई च दऊं घुसपैठिएं मारे गे। टाकरे परैत इलाके च तलाशी अगीयान चलाया गेआ जेहदे च 2 ए.के. राफलां, 4 हथगोले ते गोला-बरूद बरामद होआ। फौज दे इक अधिकारी मूजब नियंत्रण रेखा पर फौज दे जवान पूरी चाल्ली सतर्क न ते उंदी तुरत कारवाई करी घुसपैठ दी कोशश नाकाम होई ऐ।

<><><><><><>

SMVSB-Helicopter

श्री माता वैष्णो देवी अस्थापन बोर्ड जम्मू हवाई अड्डे थमां त्रिकुटा पहाड़िएं च पवित्र गुफा दे कोल पंछी हैलीपेड तोड़ी हैलिकाप्टर दी सिद्दी सेवा पर बचार करै करदा ऐ। एह गैह यात्रा लेई बेहतर सहूलतां उपलब्ध करोआने दे जतनें तैहत पुट्टी जा'रदी ऐ। हालांके एहदे आस्तै किराया तैह नेई कीता गेआ ऐ पर मेद ऐ जे एहदा औने जाने दा किराया 35 ज्हार कोला घट्ट गै होग। एहदे च अटका दर्शन, भवन कश ठैहरने दी बवस्था, खाना, रोप-वे ते बैटरी कार दियां सुविधां बी शामिल होंगन। सब्बै इंतजाम लगभग पूरे होई गेदे न ते बोर्ड आस्सेआ एह सेवा 9 अप्रैल गी पैहले नराते थमां शुरू करी दिक्ते जाने दी मेद ऐ। इस सेवा गी लेइयै यात्रए च बड़ी मती उत्युकता बनी दी ऐ की जे एहदे कन्नै हैलिकाप्टर राएं यात्रा करने आले श्रद्धालुएं दी गिनतरी च बढ़ोतरी होग। इसलै रोजे परती तकरीबन 12 सौ श्रद्धालु 13 किलोमीटर पहाड़ी रस्तेआ जाने दे बजाए हैलीकाप्टर दे सेवा लेंदे न।

<><><><><><>

Ladakh 144

लद्दाख दे लेह जिले च रमानदारी बनाई रखने लेई अज्जै थमां दफा 144 लागू करी दित्ती गई ऐ। ऐसी कोई ब्यानबाजी नेई करने दा बी हुक्म दित्ता गेआ ऐ जेह्दे कन्नै सांप्रदायिक सौहार्द ते रमानदारी बिगड़े, जां जेह्दे नै जिले च कन्नू बवस्था कन्नै जुड़ी दी कोइ बी समस्या पैदा होए। दफा 144 लगने कन्नै कोई बी जलसा जलूस कड्डने दा 4 कोला मते लोकें दे किट्ठे होन पर बी पाबंदी लाई गई ऐ।

<><><><><><>

ECI Missing EVM

भारतीय चुनां आयोग नै बक्ख-बक्ख सोशल मीडिया प्लेटफार्म, वट्सऐप पर फैलाई जा'रदिएं खबरें ते 15 लक्ख वोटिंग मशीनां गोआची गेदियां न, गी पूरी चाल्ली झूठी ते बेबुनियाद करार दित्ता ऐ। इक सोशल मीडिया पोस्ट पर चुनां आयोग नै आक्खेआ जे एह खबरां गलत, झूठियां ते गुमराह करने आलियां न ते ऐसा किश बी नेई होए दा ऐ। आयोग नै अग्गे आक्खेआ जे सुप्रीम कोर्ट नै बी ईवीएम मशीनें दे गुम होने बारे दाखल अर्जी गी खारज करी दित्ता ऐ की जे ऐसा किश होए दा गै नेई ऐ। चुनां आयोग नै लोकें गी आक्खेआ ऐ जे कुसै केह्डी खबर दी तस्दीक करने, जे क्या एह सेही ऐ जां गलत, एह्दे लेई ओह आयोग दी अधिकारिक वैबसाईट दिक्खी सकदे न।

<><><><><><>

DGP-Poonch

जम्मू कश्मीर दे पुलस महानिदेशक आर.आर.स्वैन ते फौज दी 16 कारे दे जीओसी लैफ्टिनेंट जनरल नवीन सचदेवा होरें सुरक्षा बवस्था दा जायजा लैने आस्तै पुंद दा दौरा लाया। दौनें वरिष्ठ अधिकारिएं सुरक्षा बवस्था दी समीक्षा सरबंधी इक बैठक दी अध्यक्षता कीती जेह्दे च एडीजीपी जम्मू आनंद जैन, डिवीजनल कमीशनर रमेश कुमार ते खुफिया अजेसिएं दे आला अफसर मजूद हे। इस बैठक च पुंछ दे सुरक्षा हालात पर चर्चा कीती गई। अग्गे औने आले ध्यारें ते चुनाएं गी दिक्खदे होई पुंछ च शांति ते सुरक्षा दा माहौल बनाइयै रखने आस्तै नीतिगत लोकें कन्नै कम्म करने पर बैठक पर जोर दित्ता गेआ। संगठन थमां बाहर रेइयै कम्म करने आले गिरोह, इंदी गिरफ्तारी, आतंकवाद खलाफ कारवाई गी तेज करने, घुसपैठ गी रोकने आस्तै मजबूत तंत्र ते सुरक्षा अजेसिएं बश्कार बेहतर नेइमे तालमेल जनेए अहम मुद्दें पर तफसीली चर्चा कीती गई। होर दुए वरिष्ठ अधिकारिएं कन्नै डीजीपी होरें नियंत्रण रेखा दे किश अगेत्रें इलाकें दा दौरा बी कीता।

<><><><><><>

Conference CUJ

जम्मू विश्वविद्यालय दे कैमिस्ट्री विभाग तरफा Sustainable Development in Chemical and Material Sciences विषय पर 2 दिनें दे सम्मेलन दा आयोजन कीता गोआ। 4 थमां 5 अप्रैल तककर चले इस सम्मेलन च वरिष्ठ सांईसदानें ते देश-दुनिया दे मन्ने-परमन्ने दे शिक्षाविदे हिस्सा लैता। सेंद्रल यूनिवर्सिटी ऑफ जम्मू दे वाईस चांसलर प्रो. संजीव जैन होरें शोध कम्में च रसायन विज्ञान दे महत्व पर जोर पाया ते आकखेआ जे पर्यावरण दी रक्षा ते टिकाऊ विकास गी ध्यान च रखदे होई रसायन विज्ञान दी उपलब्धिएं गी राष्ट्र दे विकास आस्तै इस्तेमाल करना चाहिदा। सम्मेलन च तकरीबन 250 प्रतिभागिएं हिस्सा लैता। इस मौके दुआइएं, ऊर्जा, पर्यावरण संरक्षण जनेए क्षेत्रें च हासल कीती दी उपलब्धिएं बारे बी दस्सेआ गोआ।

<><><><><><>

RBI-WPI

भारतीय रिजर्व बैंक नै आकखेआ ऐ जे 2024-25 ब'रे लेई उपभोक्ता मुल्ल सूचकांक आली मेंहगाई दर दा अनुमान साढे 4 फीसद दस्सेआ गोआ ऐ। आरबीआई दे गवर्नर शक्तिकांत दास होरें कल द्विमासिक मुद्रा नीति दी घोषणा करदे होई आकखेआ जे 2022 दे अप्रैल म्हीने उपभोक्ता मुल्ल सूचकांक मेंहगाई दर 7.8 फीसद पुज्जी गेदी ही। उनें आकखेआ जे मेंहगाई दर च अजें कि मती कमी जरूर आई ऐ पर अजें बी एह सरकार आस्सेआ लक्षित 4 फीसद दे नशाने कोला उप्पर गै ऐ। रिजर्व बैंक दे गवर्नर होरें अग्गे दस्सेआ जे 2024-25 आले ब'रे लेई सकन घरेलू उत्पाद यानि जीडीपी दी विकास दर पैहली तिमाही लेई 7 फीसद, दूई तिमाही लेई 6.9 त्री तिमाही लेई 7 ते चौथी तिमाही लेई बी 7 फीसद गै दस्सी गई ऐ। एहदे इलावा आरबीआई नै रेपो रेट च उपरोतली 7मीं बारी बी कोई बदलाव नेई कीता ऐ। भारत दा विदेश मुद्रा भंडार इस ब'रे 9 मार्च म्हीने सदा थमां मता 645 अरब 60 करोड़ डॉजर दर्ज कीता गोआ।

<><><><><><>

India Maldives

भारत नै इक अनोखी दबकखी बवस्था तैहत 2024-25 ब'रे लेई मालदीब्ज लेई जयरी चीजें बस्तें दे अजें तोड़ी दे सब्बने शा मते कोटे गी मंजूरी दिक्ती ऐ। मालदीब्ज च भारतीय उच्चायोग दा आकखना ऐ ते मालदीब्ज सरकार दी गजारश पर भारत नै किश जरूरी चीजें बस्तें दे मालदीब्ज गी निर्यात करने दी मंजूरी देई दिक्ती ऐ जिंदी मात्रा च बी बाद्धा कीता गोआ ऐ। इलें चीजें बस्तें दी मिकदार च कीता गेदा बाद्धा, 1981 कोला लेइयै हुनै तगर यानि जदूं दी एह बवस्था शुरू कीती गेदी ऐ तदूं थमां हुनै तगर दी सब्बने शा मती ऐ।

<><><><><><>